

MAC 2025

SIAPA KAMI?

Cahaya Society ialah organisasi yang berdaftar dengan Jabatan Pendaftaran Pertubuhan Malaysia sebagai Pertubuhan Pendidikan Anak Cahaya Sabah.

Ditubuhkan pada Januari 2019 dan berfokus pada kepada advokasi pendidikan alternatif untuk anak-anak tanpa negara, kebajikan sosial dan pemberdayaan komuniti di Sandakan, Sabah.

Selain itu, Cahaya Society juga aktif dalam menerbitkan karya dan tulisan tempatan di laman rasmi menerusi ruangan Arkib Cahaya bagi mengangkat apresiasi terhadap tulisan sama ada berbentuk ulasan buku, reviu filem, puisi, mahupun cerpen.

Demi Pendidikan,

Merdeka!



BIKIN APA?



Majlis Sungai Cahaya(Siri 1)-Ust Aqmady Hamsi

Terima kasih Ust Aqmady Hamsi yang bertajuk: Bulan Tamak Pahala berbagi pesan kepada anak-anak. Magsukul semua yang taja juadah terbuka, moreh dan sahur



Rapat Umum: Hari Wanita Sedunia

Cahaya Society membuka ruang rapat umum bagi merayakan wanita seluruh dunia dengan jemputan beberapa panelis wanita dari pelbagai sektor dalam perbincangan dan memandang tinggi martabat wanita tanpa mengira status sosial dan kelas ekonomi



Majlis Sungkai Cahaya (Siri 2)-Ustazah Lyda Ibrahim

Ustazah Lyda Ibrahim memberi perkongsian pesannya bagi anak-anak Cahaya untuk siri kedua Majlis Sungkai Cahaya. Sungkai dan moreh kali ini ditaja oleh Pertubuhan Keselamatan Sosial (Cawangan Sandakan) dan Borhans Kebab.



Latihan Pembangunan Kapasiti Institusi bagi Organisasi Masyarakat Sivil & Kesatuan Sekerja di Malaysia oleh My Voice.

Pasukan kita— Judith & Tim— mewakili Cahaya Society bergabung dengan organisasi dan kesatuan sekerja lain. Memahami dan saling berbagi kekuatan untuk membangunkan struktur organisasi yang lebih kukuh pada masa yang akan datang.

W A R T A C A H A Y A



Cahaya Society x Korum

Jemputan Korum memberi ruang kepada anak-anak Cahaya dalam melontar pujangga dan akustik di ruangan medan selera. Terima kasih semua yang memasang telinga sambil meneguk kopi pekat



A Convergence of Waste, Technology, and Conscious Living with the CDIO-Framework: From Classroom to Community Sustainability

Garaj Cahaya dijemput oleh pihak Politeknik Sandakan bagi penjualan produk komuniti Garaj Cahaya serta produk karyawan muda sepanjang program dijalankan.



Bengkel Ukulele Cahaya-Politeknik Sandakan

Anak-anak cahaya mengajar asas ukulele kepada mahasiswa Politeknik Sandakan Sabah. Demikianlah, benih pendidikan yang subur. Setelah berilmu, berkongsi serta berbaktilah!



Majlis Sungkai Cahaya (Siri 3)-Cikgu Atirah Ameer

Kali ini Cikgu Atirah Ameer memberi perkongsian pesannya. Banyak yang dipelajari oleh anak-anak Cahaya. Sungkai dan moreh kali ini ditaja oleh Perusahaan Maju Bersama, Kafe D'Nusantara dan Nasi Kuning Nenek Melati



Quran For All-Majlis Istiqbal

Bagi meraihkan lapan (8) anak-anak cahaya yang berjaya membaca Al Quran menerusi program Iqro to Quran pada bulan Ramadan ini. Dengan ini, dengan bantuan tajaan daripada umum, Cahaya Society menghadihkan Quran kepada 8 anak-anak Cahaya.

BIKIN APA?



Majlis Sungkai Cahaya (Siri 4)-Cikgu Marzuq Zainal

Siri keempat iaitu siri terakhir bagi tahun ini bersama Cikgu Marzuq Zainal tentang sembuh, pulih, dan merawat jiwa di bulan Ramadan.



Sungkai Percuma-Program Bikin Sungkai

dapur Sungkai Percuma kini mulai berasap sepanjang bulan Ramadhan. Pengagihan juadah berbuka puasa yang disediakan oleh komuniti secara percuma kepada pusat jagaan anak yatim, Musollah serta rakan jalanan.



Sungkai Buku bersama Cahaya

Terdapat 4 siri sungkai buku yang telah dijalankan oleh anak Cahaya. Membual, membincang serta membedah buku pengenalan tokoh pemikir dalam sejarah peradaban manusia di beberapa lokasi yang berbeza bersama teman-teman menjelang waktu berbuka puasa.



Kelas Merahawa-Tentang Reproduksi Wanita

Cikgu Judith dan Cikgu Tim lancarkan projek Merahawa; projek kemiskinan haid dan kelas pendidikan kesihatan reproduktif wanita kepada anak-anak komuniti. Gembiraaaaaa anak-anak perempuan dapat belajar banyak!



Cahaya In The City

Disember 2024 kita bekerjasama bersama Light in the City untuk winter festival Cahaya in the City. . Bulan ini Cahaya Society menerima kotak-kotak hadiah dan sumbangan untuk Pusat Pembelajaran Alternatif sekitar Sandakan.



CERITA DARI BAWAH

Projek Merahawa

Merahawa, gabungan terma ataupun perkataan Merah dan Hawa, adalah gerakan advokasi untuk kaum wanita terutamanya kanak-kanak perempuan untuk belajar tentang pengurusan dan penjagaan diri yang betul.

Kelas Merahawa yang diadakan seminggu sekali selama satu jam ini mengajar anak-anak perempuan kita tentang kitaran haid, cara mengenali dan langkah perlindungan keselamatan diri dan memahami hal-hal kewanitaan. Kita membuka ruang kepada mereka untuk bertanya dan berbincang sesama rakan sebaya tentang apa yang dipelajari dan cerita-cerita nyata supaya mendidik mereka peka atau tahu hal-hal kewanitaan.

Selain daripada Kelas Merahawa, aktiviti seperti Projek Pad Kain DIY (*Do It Yourself*), Kit Kesihatan Merahawa dan Bengkel Pemerkasaan Wanita untuk komuniti rentan bakal dilaksanakan. Projek advokasi wanita ini memberi pembelajaran komprehensif berkaitan pendidikan seksual dan kesihatan reproduktif, pendedahan tentang kesihatan mental dan hak perempuan serta pencerahan tentang eksploitasi seksual.



BULAN DEPAN, BIKIN APA?

W A R T A C A H A Y A

Rumah Terbuka Cahaya 2025

Acara merayakan komuniti cahaya dalam kalangan pelajar Pusat Pembelajaran Alternatif, ibubapa komuniti, sukarelawan dan pasukan Cahaya Society.

Aidilfitri Untuk Semua

Agihan sampul raya kepada 350 pelajar Pusat Pembelajaran Alternatif termasuk Cita Budi, Teratak Ilmu, Anjung Bakti, Opak Lestari dan Cahaya Learning Centre.,

Pelancaran Laporan Kajian Komuniti

Kajian Komuniti Iskul yang dijalankan pada Feb akan dilancarkan dalam bentuk dokumen laporan dan pembentangan webinar.

W A R T A C A H A Y A



GARAJ
CAHAYA

TERIMA KASIH!
MAGSUKUL!

Pertubuhan Pendidikan Anak Cahaya Sabah

8603686012 (CIMB Bank)



CAHAYA ENTERPRISE-QR

"Pendidikan Untuk Semua"

cahayasociety.org
cahayasociety@gmail.com
089 666 915